

يحسين قلبي أي دوي ينفع إليها  
يحسين لو جبت الدوى بيدي وداويك  
كيف الدوى ينفع أو رأسك ما هو عليك  
يحسين لو جبت الدوى يا نسل لطهار  
كيف الدوى ينفع أو رأسك فوق خطار  
بداوي اجرورك يا غريب الغاضرية  
اداوي جبينك لو اقليبك لو اياديك  
وا حسرتي ذبحت أولادي ابلا جنيه  
اداوي جبينك لو ايمينك لو هاليسار  
وختك الحورى تظره صبح أو عشيه

ولدي حسين هكذا مثلوا بك وبالشمس طرورك ولم يتركوا لبناتي من يحمي عليهن سوى  
عليل مريض حتى الأطفال ذبحوها فما ذنب هذا الطفل وما جرمه حتى يذبحوه من الأذن إلى  
الأذن على صدر أبوه يحسين يا ولدي.

حتى جنينك يا جنيني  
ابذبحك عزيزي افجعوني  
يهال الناس قوموا ساعدوني  
ابكي مدى دهري اعذروني  
ابكي أولادي تعلموني  
حتى أوليدك يذبحونه  
يطلب أمية ما سقونه  
يفجعكم ابني لوترونه  
حتى الطفل يا ناس ذبحوه  
واشحال قلب امه وبوه  
اصغير رضيع ما يرحمونه  
يشيعة عزا المظلوم نصبوه  
يوم القيامة ترتجوه  
وابكوا على السجادة قاده  
يشيعة علي نصبوا الماتم  
واللي ذبح واتفسل ابدم  
والطفل هاللي انذبح بالسهم  
أو سجادهم مقيود مفتتم  
ذبحوه يا قرة اعينوني  
ابذبحه أولادي مرمروني  
على ذبحه أولادي دعوني  
ابوسط العزا لوتنظروني  
واجب عليكم تسعدوني  
وشجرمته من يقتلونه  
يهال الناس ليه دنذبونه  
امن الظما منخطف لونه  
يطلب امية ما سقوه  
يلوج بالسانه يشوفوه  
ما بلغ عام الطفل غالوه  
وابكوا على أوليدي أو نذبوه  
يدخلكم الجنة مع أبوه  
من كربلاء للشام ودوه  
وابكوا على اللي مات بالسم  
لحسين وانصاره أو بني العم  
والحرم هاللي انسبت بالهم  
بعد المعزة ايصير يشتم